

Pworaus an Apechokunan Ekkewe Aninnis (Nonassistance Support Enforcement Information)
(Sopwun 26.18, 26.23, 34.05, 74.20, me 74.20A RCW)

Annomwu ei taropwe; mi wor auchean pworaus omw we keisin aninnis semiriit.

Ekkewe pekin ngeni omw we orterin aninnis

Ekkei ruu pekin ngeni omw we orterin aninnis ir ewe saam/iin ese wiseni tumwun me ewe saam/iin a wiseni tumwun ika ewe a wiseni anomwu (ekkewe semiriit). Ewe saam/iin ese wisseni tumwun ii ewe epwe meeni ewe aninnis. Ewe saam/iin a wiseni tumwun ika anomwu (ekkewe semiriit) ii ewe ekkewe semiriit ra kan nomw ren. Me ruomwon ekkewe saam/iin ese wiseni tumwun me ewe a wiiseni tumwun repwe awor insuransin safei ika aninnis safei fan itan ekkewe semiriit.

- Aninnis safei a pachenong meenfengeni ekkewe niwinin safei me ekkewe premium (met wisan won niwinin ewe insurans safei mwirin nenien an angang a meenatiw wisan) ika pwe mi pwal annukutiw me non ewe orter fansoun ese kawor insurans.

Pekin Aninnis Semiriit

Pekin Aninnis Semiriit (The Division of Child Support (DCS)) a wor an ofes a nomwefetan non won ei sopw (state). DCS a kan mesemes won me apechokuna ekkei keisin aninnis ngeni semiriit. An DCS epwe apechokuna omw ewe orterin aninnis, ew me nein ekkewe pekin ngeni ei orter repwe tungor aninnis apechokun non taropwe (repwe mak ngeni).

Ika omw we orterin aninnis a kan no ngeni ewe Washington State Support Resistry (katon ena kinikin mwirin ei) nge ese wor tungorin aninnis ngeni DCS, DCS epwene suku ew keisin an epwe chok angei kametiwan (Payment Services Only (PSO)). DCS a awora an epwe chok angei ekkewe mwoni epwe kametiw me makker fan itan ekkewe keis PSO.

An Mwuun Washington We Makken Aninnis (Washington State Support Registry)

An Mwuun Washington We Makken Aninnis (Washington State Support Registry (WSSR)) ii pwan chon kinikin DCS ewe a kan anomwun makken me atou ekkewe mwonien aninnis a kametiwan. DCS epwene wanong omw we orterin aninnis no WSSR fansoun ew me nein ekkei a fis.

1. Ew me nein ekkewe pekin ngeni ewe orterin aninnis epwe tungorei DCS epwe apechokun ekkewe aninnis.
2. Omw we orterin aninnis a annuk an ewe saam/iin ese wiseni tumwun epwe meeni ewe aninnis (child support) ngeni WSSR.

Met Kopwe Feeri

Fansoun chok ka eisinin DCS an epwe apechokuna ewe aninnis, kopwe:

1. Tini ngeni DCS meininin mwoni epwe kameetiwan ka angei seni ewe saam/iinn ese wiseni tumwun. DCS epwe wor rer taropwen meininin kameetiwan mwoni ar repwe tongeni angang won omw we keis. Ika kopwe angei ekkei mwonien aninnis epwe kametiwan mwen omw tungor aninnis seni DCS, kopwe ngeni DCS ew taropwen anetata tetenin mwon minne mei kameetiwan. Fansoun ka tini ngeni DCS ekkewe mwoni a kametiwan ka angei seni ewe saam/iin ese wiseni tumwun, DCS epwene amasowanong non noumw we DCS debit card ika wanong ewe aukukun non omw we akoun sia chok awenanong (direct deposit) non.
2. Ereni DCS ika kopwe siwini neniomw (address) ika nampaan noum tenefon. DCS a mochen ekkewe pworaus epwe anisi ne kekkeruk/toruk ren fan itan omw ei keis. DCS epwe tongeni atoura ngonuk ekkewe taropwen esinesin (legal notices) non posto (first class mail).
3. Ereni mwittiri DCS ika ouwa chufengen sefan me ewe saam/iin ese wiseni tumwun ika fen ekkewe semiriit ra no nomw ekis. Kopwe awora ngeni DCS pwan ekkewe ekkooch pworaus ika repwe eis.
4. Ereni DCS ika ka angei emon noumw souannuk ika ew neeni esapw an mwuun pwun epwene wisen angei omw kewe aninnis. Kopwe ngeni DCS itan me ar ewe souannuk address (nenian) ika ewe neeni esapw an mwuun. Kopwe ereni DCS met ewe souannuk me ewe neeni esapw an mwuun epwe angang won.
 - a. DCS ina esapw tufichin epwe ange omw kewe aninnis fansoun ewe sou annuk ika neeni esapw an mwuun mi anganga ar repwe angei.
 - b. Ika kopwe angei emon noumw souannuk an epwe siwini omw we orterin aninnis, en ika noumw we souannuk oupwe atoura esinesinen ngeni ewe saam/iin ese wiseni tumwun me DCS.
5. Ngeni DCS ika anisi DCS an epwe angei kapin meininin orterin aninnis mi makkenong non omw we keis.

Annuk ren Kopwe Angei Aninnisin Apechokuna Ekkei Aninnis (Requirement for Receiving Nonassistance Support Enforcement Services)

Ika pwe ese pwung me non annuk omw kopwe tumwunu ekkewe semiriit ka tungor aninnisin apechokunan aninnis, ka tongeni kopwe affata pwe kose amwochu ekkewe semiriit seni ewe a pwung me non annuk an epwe tumwunur/anomwur.

DCS epwe angei \$35 fee (niwin) iteitan ier (federal fiscal year) DCS a tiningonuk \$550 non aninnis ika kose **mwo piin angei** Aninnisin Mwoni Non Mochomochun Fansoun Ngeni Ekkewe Famini Ir Mi Osupwang (Temporary Assistance to Needy Families (TANF), Aninnisin TANF ngeni ekkewe re Indian, ika Aninnis Ngeni Ekkewe Famin Fan Itan Semiriit (Aid to Families with Dependent Children (AFDC)) fan itan semiriit. Ew fiscal year epwe pwopwuta October 1st me epwe much September 30th ew me ew ier. DCS a angei me isoni ewe \$35 seni ewe aninnis a angei mwirin DCS a tini ngonuk ewe ewin DCS \$550. Ika epwe nap seni ew omw keis pwokiten noumw kewe a sokofesen semer, ka tongeni kopwe meeni nap seni ewe niwin(fee) a kan tetiw non ew me ew ier. Ika kopwe angei TANF, TANF seni Re Indian, ika AFDC seni pwan ew sopw, kopwe pwan tinato pisekin pwarata, ika eche taropwe mi apwong sen ewe ofesin aninnisin mwuun seni ewe ew sopwe ika eche kapin taropwen aninnis mi impang, ngeni DCS. DCS epwe siwini ewe fee tori sia angei ekkei pisekin pwarata. Ika kopwe meeni ewe \$35 fee epwe weires ngeni omw famini, ka tongeni tungorei DCS an epwe wor ew mwiich ngeni ewe Board.

Aninnisin Apechokuna Ewe Aninnis

Ika mei wor omw orterin aninnis ewe a aukano ukukun ewe aninnis, DCS epwene achocho ngeni an epwe angei ena ukuukun. DCS ese kan apacha me angei manawan mwoni a kapach non omw we orter. Non ekkoch keis, DCS epwe atoura ew esinesin ngeni me ruu ekkewe pekin ngeni ewe orterin aninnis me mwan an epwe pwopwuta ne angei (collect).

Ika ese wor omw orterin aninnis ika omw we orterin aninnis ese affata aninnisin semiriit me aninnisin safei, DCS epwene atoura ewe esinesin ngeni me ruu ekkewe pekin won ei orterin aninnis.

1. Non ei esinesin, DCS epwene aukun ewe aninnisin semiriit me aninnis safei. DCS epwene anonga ewe aukukun aninnisin semiriit won kapachanapen an me ruemon saam/iin me fitemon ekkewe semiriit.
2. Omw we orter a annuku pwe emon me emon ekkewe saam/iin repwe awora insuransin safei fansoun ese wor seni an ewe saa ik ainn seni ar angang ika union ren ukukun esapw napesei 25 presentin met ewe saam/iin epwe meeni non aninnis.
3. Ei orter a tongeni pachenong aninnisin safei me wisomw won ewe premium a kametiwi seni ew me nein en ika ewe state ika ewe insuransin safei ese kawor me ren ewe saam/iin ita epwe wiseni meeni.

Ika omwwe orterin aninnis ese aukano ew aukunun aninnis nge era ew anen sipwe sine ewe aukukun, DCS epwene atoura ew **Noesinesinen Fite Aninnis Epwe Kametiwi Esan Mwo Kametiwi** ngeni me ruomon ekkewe won epwe orterin aninnis.

1. Non ei esinesin, DCS epwene aukun ukukun ewe aninnis. Ew me nein ekkewe pekin ngeni ei orterin aninnis a tongeni tungor ew arongorong won tipefeseng won ewe aukukun aninnis DCS a aukano.
2. DCS a tongeni achocho ngeni epwe apwungano ew ukukun aninnis fengen me ekkewe ruu pekin won omw we orterin aninnis.

Fansoun ewe aukukun aninnis a pwunguno me ika DCS a sinei an ewe saam/iin ese wiseni tumwun we nenien angang, DCS epwene tinano ew **Income Withholding for Support (Katetiwen Ewe aninnis me non omw mwoni tonong)** esinesin ngeni ewe nenien angang. Ei esinesin a annuku an ewe nenien angang epwene etiwatiw ewe ukukun aninnis sen niwinin ewe saam/iin ese wiseni tumwun. Ika DCS ese sine an ewe saam/iin ese wiseni tumwun we nenien angang, DCS epwene achocho ngeni ne kutta an mwoni tonong a etto me ia me achocho ngeni epwe angei ei aninnis.

Ika omw we orterin aninnis a wor pekin ren aninnisin safei ngeni ekkewe semiriit, DCS epwene pwan achocho ngeni epwe apechokuna ei. Ei mwokutukut DCS epwe feeri a anongonong won ei kinikinin omw we orter.

1. Ika mi wor omw orter ewe a anuku ika affata pwe ewe saam/iin ese wiseni tumwun epwe awora ewe insuransin safei, meeni och ekkewe niwinin safei ese wor me non insurans, met epwe ketiwetiwi me non niwinumw (deductibles), me copayment (wisomw kopwe menatiw mwirin a kametiwi met ewe insurans epwe meeni), ika pwan ekkooch mwoni me nukun fansoun ewe saam/iin ese wiseni tumwun ese wor noun insuransin safei, DCS epwe apechokun ew me nein ekkei annukun aninnisin safei.
2. Ika mi wor omw orterin aninnis ewe ese affata pwun ewe saam/iin ese wiseni tumwun epwe awora insuransin safei ren ekkewe semiriit, DCS epwene achocho ngeni siwini ei orter.
3. Ika epwe wor omw orterin aninnis ewe a annuku me affata pwe insuransin safei epwe pwan kawor, meeni och ekkewin niwinin safei ese wor me non insurans, copayment (wisomw kopwe menatiw mwirin a kametiwi met ewe insurans epwe meeni), me deductibles (met epwe ketiwetiwi me non niwinumw, ika meeni wisomw ren ekkewe ekkooch an saam/iin niwinin ren health insurance premium (niwin an epwe wor noumw insurans) ika pwe ese wor pwisin noumw insurans, DCS a tongeni apechokuna ekkei annuk ika pwe ewe saam/iin ese wiseni tumwun epwe tungor aninnisin apechokunan ekkei aninnis.

Ika pwe mei wor noumw insuransin safei ir ekkewe semiriit ir mi nounou, kopwe awora ngeni DCS pisekin pwarata pwe ir mi kafer ika nounou. Ka tongeni awesano me eniwinato ei taropwe mi kapachenong **taropwen pwarausan insuransin safei noun ewe saam/iin a wiseni tumwun (Custodial Parent Health Insurance Information)** taropwen pwe ina omw pisekin pwarata.

Ika mei wor noumw insuransin safei me kose mochen DCS epwe apechokuna ewe aninnisin safei me non omw we orterin aninnis, kopwe awora ngeni DCS isekin parata pwe mei wor me ereni DCS non taropwe pwe kose mochen epwe apechokuna ewe kinikinin aninnisin safei.

Ika ew inenap ika samanap rese pwupwunu, me:

1. Emon ika fen ir me ruomon rese saini ewe **Anetatan lo Seman (Paternity Acknowledgement)**, ew kapwung an sopw (state) ika kewe an re Indian (tribal) epwe apwungano io we seman me non annuk. DCS epwene tinano omw eis keis ngeni emon souannuk ewe a kan wiseni atipisi, kapwung an re Indian, ika Ofesin Ewe SouAnnuk Mi Nap (Attorney General) epwe angang won.
2. Ir me ruomon ra saini eche **Anetatan lo Seman (Paternity Acknowledgement)**, DCS epwene pwopwuta ew orterin aninnis nge esapw seni kapwung.

Ika ewe ew pekin won omw we orterin aninnis a tungorei DCS pwun epwe feeri, DCS epwene awora apechokunan ekkei aninis ika mwo pwe kosapw mochen.

Ika ese wor me nein ekkei pekin won omw we orterin aninnis ra nomw non Washington, DCS epwe awora apechokunan ekkei aninnis ika pwe ekkei me tettenitiw mei pwung.

1. Ese wor me nein ekkei pekin won omw we orterin aninnis a angei aninnisin apechokun seni ew sopw (state)
2. Ewe saam/iin ese wiseni tumwun a kekkeri/mmak ngeni ewe sopw, Washington State. Kekke/mmak a pachenong angangen me kame seni ika fen feeri an pisinis non Washington, wor pisekum auchea/tufichumw non Washington, me ekkooch. Ekkewe saam/iin rese wiseni tumwun epwe wor naaf an nomw/feer mettoch me Washington State an DCS epwe tongeni angei ekkei aninnis.

Ika ewe saam/iin ese wiseni tumwun a nomw won pwan ew sopw me ese wor an nomw/feer mettoch fengen me Washington State, me en ka nomw non Washington State, DCS a tongeni feeri ekkei mi tettenitiw.

1. Sotuni/achochon ngeni pwopwuta nemenemen me pechokun won ei keis me angei ekkewe aninnis non pechokunan annukun Washington state.
2. Tungorei ewe sopw ewe saam/iin ese wiseni tumwun a nomw ie pwe repwe wisen angei ewe aninnis. Ewe ekkooch sopwe epwe mwokut fan nurun ekkei annuk.

DCS epwe akkota fengeni me ewe saam/iin rese wiseni tumwun ren ekkewe mwoni epwe kametiw non ekkewe maram a mmang. DCS a anonga ekkei mwoni epwe kametiw won ekkewe annukun ewe orterin aninnis me unusan ewe aukukun a aninnis a mmang ren ei keis.

Ika mi wor orterin aninnis ewe a mwut ngeni DCS an epwe atoura ew **katetiwen ewe aninnis seni omw mwoni tonong (Income Withholding for Support)**, DCS epwene atoura ew esinesin ngeni an ewe saam/iin ese wiseni tumwun we nenien angang (ika mi sinei).

Ika mi wor omw orterin aninnis ewe ese mwut ngeni DCS an epwe atoura ew **Katetiwen ewe aninnis seni omw mwoni tonong (Income Withholding for Support)**, DCS epwene atoura **Esinesinen Niwinimangan Ekkei aninnis me epwe era kopwe meeni (Notice of Support Debt and Demand for Payment)** ngeni ewe saam/iin ese wiseni tumwun. Ewe **Esinesinen Niwinimangan Ekkei aninnis me epwe era kopwe meeni (Notice of Support Debt and Demand for Payment)** a affata fita ewe aninnis me ngeni DCS pechokunen an epwe atoura ew **katetiwen ewe aninnis seni omw mwoni tonong (Income Withholding for Support)**.

1. Ika kopwe angei eche kapiin me kose tipeew ngeni ewe ukukun aninnis a affat non ei esinesin, ka tongeni tungor ew arongorong. Ika kopwe angei eche kapi nge kose tipeew ngeni ewe ukukun aninnis a affat me non ei esinesin, ka tongeni tungor ew arongorong.
2. Ewe saam/iin rese wiseni tumwun a tongeni tungor ewe mwiich ngeni ewe board (iei ew arongorong) an epwe apwungu kinikinin non ewe esinesin a affata ewe ukukun aninnis. Ka tongeni fiti ei arongorong mwen ewe board (Conference Board).
3. Ika ke tungor ew arongorong me ewe saam/iin rese wiseni tumwun a tungor ew arongorong mwen ewe board (Conference Board), ka tongeni finata ika kopwe ani ewe arongorong ika ewe arongorong mwen ewe board (Conference Board).

Ren ew kapwung an epwe pwopwuta, apechokun ika siwini ewe orterin aninnis, DCS epwene atoura ewe esinesin non taropwe ngeni ekkewe ruu pekin ren ei orter epwe tini non posto (first class mail). DCS epwe tongei atoura ekkei esinesin ngeni ewe saingon address (neni) an ekkewe pekin me ruu. Ika DCS epwe atoura ei esinesin ngonuk, epwene iei saingonon orter me esapw chiwen wor pwal ekkoch esinesin ngonuk. Ew kapwung ika Soukapwung (Administrative Law Judge (ALI)) a tongeni epwene apwungano ekkesiwinin ewe orterin aninnis ika pwe ew ekkei pekin ese war no ewe kapwungun ekkesiwin. Ei a apechokun ika mwo pwe DCS ese tongeni pwarata pwe ewe pekin ese war mi angei ei esinesinen arongorong a titino non posto (first class mail) ngeni ewe saingonon address kich mei sinei pwe an ewe pekin.

DCS ese tongeni pwopwuta ika apechokuna ekkewe annukun tumwun ika churi ekkewe semiriit.

Representation (Kapas Fan Itan)

DCS me meinisin ekkewe ofesin Attorney General me ofesin Ekkewe Souannuk ra wiseni atipisi (Prosecuting Attorney) ir mi angang fengen me DCS fan itan ar repwe pworaus fan itan ewe Pwutain Aninnisin me Safei. Ekkei ofes rese angang ngeni ika pworai fan itan ew me nein ekkei pekin ngeni omw we orterin aninnis.

Arongorong

Sopwun 34.05 RCW a mwout ngeni ekkewe ruu pekin won omw we orterin aninnis an epwe fiti ei arongorong fan itan omw we orterin aninnis. Ew me nein ekkewe ruu pekin ra tongei fiti ei arongorong ar repwe chuto ika won telefon. Arongorong a tongeni siwini ika affectini ukukun ewe aninnis. Ika kose fiti ew arongorong, emon soukapwung (ALJ) a tongeni atiwa me apwungano ewe tungor seni DCS ika ewe ew pekin ngeni omw we orterin aninnis me esapw chiwen wor pwan esinesin ngonuk mwirin. En mi tongeni angei emon souannuk epwe pworaus fan itomw non ei arongorong.

Angangen akukunano

Ika pwe ewe sam ika inn ese anomwu ngeni ekewe semirit a nomona ika ra ureni pwe epwene kanupwus non ukukun esap kukun seni onou maram mom imwen kanupwus, DCS ika emon me nein ewe sam ika in mi tongeni tungor ren epwe mwo kukukuno, ika keuno, toun aninis ren ekewe semirit. Ei mwokutukut a iteni angangen akukunano. En, ewe sam me inn ese wor omw pechokun won ewe semirit, ika DCS mi tongeni epwe awora ewe an tungor ren ewe angangen akukunano. Ika pwe akisinon mi fich ngeni eom we case, kopwene kan ngai ew arongrong seni DCS aweweni porausen ewe akisino me an emon me enom pung ren ar repwe eis ren ew arongrong ika pwe rese tipeew ngeni.

Aninisin Angei (Collection Services)

DCS epwene achocho ngeni:

1. Angei mwonien aninisin iei me ekkewe a mmang (ika mi wor).
 - Mi chok aukuk fansoun, DCS a tongeni epwe atononga ew atipeew non chok ew mochomochon fansoun ewe epwe mwutata ewe saam/iin ese wiseni tumwun epwe meeni epwe kukkun seni ewe aninnis minen iei a totiwi iteitan maram a affat non ewe orterin aninnis. Ekkei mwoni epwe kametiwi a tongeni naponon mwach kan an epwe mwout ngeni DCS an epwe angei unusen aninisin iei me met a mmang.
2. Angei manawan ekkewe aninnis a mmang ne kametiwi. DCS epwene feeri ei ika chok mi wor omw orterin aninnis ika ew apwung seni kapwung an state me ekkewe an re Indian (tribal) ewe a affata unusan manawan.
3. Angei niwinin tumwunun semirit ika pwe epwe annukutiwi me affat non omw we orterin aninnis.
4. Angei aninisin pwunuwomw we (a pwan iteni alimony) ika mi annuk me affat non ewe orterin aninnis. DCS ese auku ewe aninnis ngeni pwunuwomw we (spousal support).
5. Apechokunan aninisin safei mi annuk me affat. DCS a tongeni epwe achocho ngeni ne angei niwinsefanin met ka meeni ngeni safei (ren copayment, deductible me ekkewe premium) fan itan ekkewe semirit ir mei nomw won ei orter epwe eaea met mi tufichin eaea fan nurun ewe annuk Sopwun 74.20 me RCW 74.20A RCW. WAC 388-14A-1020 a awewei met a nomw non tikkin uninsured medical expense (mwoni ren ekkewe ese wor neur insurers). **Ewe DCS epwene awora ew taropwen aninisin safei ren unusen fonu (National Medical Support Notice)** ren an epwe apechakuna ekkewe mettoch mi awuchea ren insurens ren safei ika apechakuna ew tipwen moni esap nap seni ewe awukukun sam me in repwene kan moni ren ar niwinimang, awukuk ngeni 25 persentin an sam me in kewe repwene moni ren aninisin semerit.
6. Apechokuna aninisin pekin sukuun ren an ekkewe semirit repwe sopweino ar sukuun mwirin ar awesi aiskun (high school). Ekkewe chok imwan kapwung an state me tribal (chon Indian) ra tongeni atou ei sokkun aninnis. DCS ese tongeni pwopwuetu ei sokkun aninnis.

Kosapw pwan eisini DCS an epwe angang won ekkei mettoch mei tettenitiwi non ei kinikin. DCS epwe angang won met epwe anganga fan itan omw ei keis. Nge ka tongeni kuna ekkooch minafeen pworaus epwe tongeni anisi DCS ne angei omw kewe aninnis. Ika kopwe feeri, kopwe ereni DCS. Apachanong ekkei pworaus non omw pworaus ngeni DCS.

1. Itomw, omw address (neniomw), nampan noumw tenefon, me nampan omw we keis.
2. Itan ewe saam/iin ese wiseni tumwun me nampan noun sosen/social security (ika en mi sinei).

Aukano Aninisin DCS

Ika kopwe mochen DCS epwene kauno an aninisin angei (ekkei aninnis), kopwe tungorei DCS epwe nomw non taropwe. Ika pwe mi wor omw orterin aninnis ewe a affata pwun ewe saam/iin ese wiseni tumwun epwe meenatiwi ekkewe aninnis ngeni WSSR, DCS epwene kauno ne awora aninisin angei ekkei aninnis, siwini omw we keis ngeni PSO, me ereni ekkewe saam/iin rese wiiseni tumwun. Ika pwe omw we orterin aninnis ese annuku me affata pwe epwe kameetiwi ngeni WSSR, DCS epwene apwungano(close) omw we keis.

Ika en ika noumw kewe semirit ra chusefan me ewe saam/iin ese wiiseni tumwun, DCS epwene kauno ne angei ekkewe aninnis minen iei. DCS a erenuk usun ekkei ekkesiwiwi ngeni ekkewe sokkun aninnis ka angei.

Mwonien Takisesin Omw Mwoni tonong epwe meeni ewe niwinimang ese tetiwi (Federal Income Tax Refund Offset), Amwochu Mwoni Ren Met en mi niwinimang ngeni mwuun (Administrative Offset), me esapw ngonuk noumw we passport (Passport Denial).

DCS epwe ereni ewe Nenien angei Takises (Internal Revenue Service (IRS)) fansoun ewe saam/iin ese wiiseni tumwun a mmang ne menatiwi ewe aninnis ika pwe omw we keis:

1. DCS a sinei nampan ewe sosen noun ewe saam/iin ese wiiseni tumwun.
2. Ewe niwinimangan aninnis seni ewe orterin aninnis.
3. Ewe saam/iin an niwinimangan aninnis a \$500.00 ika napeseni. Ika DCS ese tongeni epwe apwungano ukukun unusan ewe aninnis a mang ne kametiwi, DCS a tongeni epwene auku ewe niwinimang ngeni ewe ukukun a fen tori seni pwopwutan an DCS a etiwa omw we keis.

Ewe IRS a tini ngeni DCS ewe takises (tax refund) noun ewe saam/iin ese wiiseni tumwun an epwene meningeni ewe aninnis a niwinimang won.

Ika ewe saam/iin ese wiiseni tumwun a faenuni noun takises ra kochu me emon won, DCS a tongeni epwe amwochu ewe refundun takises non onu maram mwen epwe tiningonuk ewe mwoni. DCS a tongeni amwochu ei refundun takises an epwe mwut ngeni ewe emon ra kochu won ewe faenun takises an epwe angei wiiser seni ewe refun.

Pwan ekkooch niwinimang ewe Mwun Merika epwe ngeni ewe saamiin a tongeni epwe pwan eaea ne meeni ekkewe aninnis a mmang ne kametiwi.

Ika ewe saam/iin ese wiiseni tumwun a niwinimang won \$2,500.00, ewe mwun Merika a tongeni esapw ngeni ewe saam/iin ese wiiseni tumwun noun passport.

Katouun Mwoni

Mei wor ekkewe tichikin annukun mwuun Merika me Sopw (State) ren katouun ekkewe mwonien aninnis. DCS a eaea ekkewe risitan kametiw ren pwinin maraman an epwe sinei ifa usun epwe wau ewe mwonien aninnis. Esapw ew me nein ekkewe ruu pekin ngeni ei orterin aninnis epwe fini fansoun ewe kametiw.

1. DCS epwene angei ekkewe mwoni a angei iteitan maram, chilon chok kewe refundun takisek seni IRS, akkomw an epwe meenatiw ewe aninnis fan ei maram. Mwoni seni IRA ra chok meeni ekkewe aninnis a mmang ne kametiw.
2. DCS epwene anomwatiw ewe \$35 niwin (fee) iteitan ier, ika kose piin akangei mwoni seni TANF, Tribal TANF ika AFDC nge en emon choon tumwun ekkewe kukkun semiriit. DCS epwe ioni ewe niwin murin \$550 ren aninisin mine mi tou ngonuk ren ewe case nefinen October 1st me September 30th ew me ew ier.
3. Ika met DCS a angei a napeseni ewe ukukun aninnis iei, DCS epwene eaea ewe mwoni ngeni ekkewe aninnis a mang ne kametiw.
4. Ika pwe ewe saam/iin ese wiiseni tumwun a niwinimang won ewe aninnisin iei ngeni napeseni ew famini, DCS epwe angei ewe mwoni a meenatiw akkomw ekkewe aninnis epwe tetiw iei mwan an epwe pwan meeni ekkewe a fen mmang ne kametiw. Esapw en ika ewe saam/iin ese wiiseni tumwun a tongeni affata ika tichiki ifa usun an DCS epwe atou ekkewe mwoni a kameetiw.
 - Mi wor ew chilon ei annuk asan. Ewe saam/iin ese wiiseni tumwun a tongeni affata ika tichiki katoun mwoni mi kametiw ngeni ekkewe keisin PSO. PSO wewen ekkewe keis DCS a wiiseni awora makken me atou mwoni mi kametiw nge ese tongeni apechokuna ewe orterin aninnis.

DCS epwene tini ngonuk omw mwonien aninnis. Ika ke makkei pwe epwe chok deposit ngonuk, DCS epwene depositini ika wanong ekkewe mwoni non omw we akoun bank epwe eaea ewe Electronic Funds Transfer (EFT).

ESINESIN: Ika kose mwutata direct desposit (an epwe sa foch ngeni chok omw we akoun), DCS epwe ne chok pwisin tini ngonuk non posto eche Visa debit card minen non sitowa, a iteni DCS debit card. Ika mei wor noumw ewe DCS debit card, DCS epwene wanong omw we aninnisin semiriit non ewe card esapw ngeni omw we bank. Napengeni ekkei keis, ewe mwoni a kametiw pwe aninnisin semiriit a kan wor me non omw we akoun non bank ika won noumw we DCS debit card non unungat raanin angang mwirin an DCS wanong non omw we keis. Ka tongeni nounou ewe DCS debit card ese nifinifin ia ra etiwa VISA me ie me won ekkewe mwesin (Automated Teller Machines). Ka tongeni angei ekkooch pworausana ekkewe mwoni a kameetiw chok me won mwesin. Nenengeni pwan ew sokun anen opwe kopwe angei ei angangen memetiw, ka tongeni kokori 800-468-7422 ika online won www.dshs.wa.gov/dcs.

Ekkewe mwonien aninnis a mang ne kameetiw a tongeni ika esapw fen toruk.

1. Ika en me noumw kewe semiriit ouse piin angei ekkewe aninnisin mwuun, DCS a tini ngonuk ewe mwoni.
2. Ika kpwe angei aninnis seni mwuun me ese wor omw niwinimang ekis, DCS epwe tini ngonuk ewe mwoni.
3. Ika en mi angei aninnis seni mwuun me mwan, DCS epwene atou ekkewe aninnis a mmang ne kameetiw mwirin a kauno ne angei ekkei aninnis seni mwuun:
 - a. Ewin, ngeni ew ekkewe aninnis a mmang ngonuk ewe ese awiis me ren ewe sopw (state).
 - b. Oruuwan, ngeni ekkewe aninnis a mmang ewe a awiis ngeni ewe state non chok mochomochun fansoun a awiis won ika mwirin Okotoper 1, 1997, me mwen Okotoper 1, 2008, me ese ew kinikinkin ew a asain ngeni ekkewe aninnis a mmang a anapanap non d me fan.
 - c. Aunungatin, ngeni ekkewe aninnis a mmang ngonuk fan itan an ekkewe semiriit aninnisin safei.
 - d. Aruwanu, ngeni ekkewe aninnis a mmang ewe a asain ngeni ewe state seni aninnisin mwuun a ffeer mwen Okotoper 1, 1997, ika asain mwirin ewe pwinin maram pwokiten ew mwonien aninnisin mwuun a kametiw non ena maram.
 - e. Enimuwan, ngeni ekkewe aninnisin semiriit ren aninnisin safei a asain ngeni ewe state.
 - f. Mwoni mi kameetiw sia angei seni ewe IRS ra katou ngeni ekkewe aninnis a mang me ekkewe aninnisin safei a mmang a assain ngeni ewe state men an epwe katou ngeni ekkewe aninnis a mmang ngonuk.
4. Ika ewe saam/iin ese wiiseni tumwun a niwinimang won aninnis ngeni napeseni ew famini, DCS epwene kini ewe mwoni a angei won ekkewe famini.

Angei Sefani Met A Kameeti (Payment Recovery)

Fan nurun ewe annuk RCW 26.23.035(3) me 74.20A.270, DCS epwene angei sefani ekkewe mwoni ka meenatiw a somwono seni me ekkewe mwoni ra titi ngonuk nge mei mwan.

1. Kopwe eniwini ekkewe mwoni DCS a tini ngonuk ika:
 - a. .DCS a mwan ne tini ngonuk.
 - b. DCS a tini ngoni mwoni nge a watte seni met ita ururun pwe ewe saam/iin ese wiseni tumwun epwe meeni, a pwan iteni overpayment.
2. Ika pwe e wor omw ewe aninnisin kameeti (PSO) keis, DCS epwene akkomw angei sefani me a somwono/nuseni me mwoni a titi ngonuk nge mei mwan ar repweni amwochu ewe ukukun seni met repwe angei fan itomw non ekkkan fansoun mwach. RCW 26.23.035(3)a mwutata ei mwokutukun nge esapw wor esinesin ngonuk.
 - a. DCS epwene amwochu 10 pesen seni mwonien aninnisin iei me ekkkan fansoun mwach.
 - b. DCS epwene amwochu 100 pesen seni mwonien aninnisin ekkkan fansoun mwach.
3. DCS a tongeni feeri ekkooch mwokutukun an epwe angei (ewe mwoni) mei mwumwuta me non annuk RCE 74.20A.270 an epwe ange sefani met a somwono/nuseni me ekkewe mwoni a titi ngonuk mi mwan an epwe no ngonuk. Ei mi pwan weneituk ika mwo mwirin kose chiwen angei ekkei mwonien aninnis me ren DCS. Ika DCS a finata ei (option), DCS epwen ngonuk ew esinesin won. Ika ese wor mefiomw omw kosapw tipeew ngeni, DCS a mwumwuta an epwe:
 - a. Tini ngeni omw we nenien angang ika ekkooch aramas ika neeni ra kan isoni pisek mi auchea/tufichum ewe Income Withholding Order for Support (An Repwe Etiwatiw Seni Omw Mwoni tonong Ewe aninnis) Ei orter/esinesin a annukatiw an omw we nenien angang ika emon pwan aramas ika neni (organization) a etiwatiw ewe ukukun mwon (payment) nge a mwan me/ika fen nusen (overpayment) seni niwinum, omw mwoni tonong, me pisekumw mi auchea.
 - b. Epwe faenin ew an epwe tongeni kemwechulo won pisekumw kei tori an epwe tetiw ew mwoni en mi niwinimang won.
 - c. Eaea sokkopaen napanapen an DCS epwe angei en mwoni mi mwumwuta me non Wekisin (Chapters) 26.09, 26.18, 26.23, me 74.20 RCW.

Pworaus ren re Indian (Tribal Information)

Ika chok pwe DCS me ewe tribal mi wor ar atipeew ar repwe feeri, DCS epwe apechokun me ekkewe napanapen an epwe angei (mwoni) a affatetiw non ei taropwe ei ese weneiti ekkwe choon angang ra angang ngeni ekkewe tribe (choon Indian), ekkewe pisinis an choon Indian, ika ekkewe pisinis an choon Indian e nomw won fenuwer kewe (reservation). Ika ewe saam/iin ese wiiseni tumwun ii choon angangen ekkewe Indian tribe, pisinis an choon Indian ika an Indian kewe pisinis e nomw won fenuwer kewe DCS a tongeni:

1. Tungorei ewe tribe (choon Indian) repwe apechokuna ewe orterin aninnis. DCS epwene feeri ei ika ewe mwuun Washington me ewe tribe mi wor napanapen ar feeri ei.
2. Faenini ew pekin mwokutukut non ewe kapwung an choon Indian pwe epwe pwopwueta me apechokuna omw we orterin aninnis. Ika DCS a faenuni ew mwokutukut me non ewe kapwung an choon Indian, DCS a tongeni eaea ekkewe napanap a nomw non ewe atipeew nefinen Washington State me ekkewe Mwiichechan Choon Indian ika eaea an ekkei kapwung an choon Indian ra fen eaea.

DCS epwene asaini omw we keis ngeni ekkewe choon Indian ren apechokunan ika pwe ew me nein ekkwe ruu mi weneiti omw ei keis.

1. Ew me nein ekkewe ruu pekin ngeni omw ei orterin aninnis ika noumw kewe semiriit iir choon ewe ekkewe mwiichen/einangen Indian (Indian tribe).
2. Ewe saam/iin ese wiiseni tumwun ii chon angangen ew mwiichen choon Indian, ew pisinis an choon Indian, ika ew pisinis an choon Indian a nomw won fenuwer we (reservation ika trust land).
3. Ew me nein ekkei ruu pekin won omw we orterin a nomw fan manamanen ewe etipeewan aninnisin semiriit.
4. Ew me nein ekkewe ruu pekin won omw we orterin aninnis seni ewe Tribal TANF ika prokramen aninnis ngeni semiriit an choon Indian.
5. Omw ei keis mei pwan wor ekkooch osukosukan ren pekin Indian.

Ekkewe Annuk A Weneiti Aninnisin Semiriit (Laws and Policy That Affect Child Support)

Ekkewe sopweun fan seni ewe annuk Revised Code of Washington (RCW) me ewe Washington Administrative Code (WAC) a nemeni ekkei aninnis DCS a awora.

Sopwun 26.09 RCW Sopwun 388-14A WAC
Sopwun 26.18 RCW
Sopwun 26.21A RCW
Sopwun 26.23 RCW
Sopwun 74.20 RCW

Ewe annuk ren mwuchunon manamanen (statute of limitation) ese pwan wenetiwe ekkewe niwinimangen aninnisin semiriit. Ika e weneiti, ewe saam/iin ese wiiseni tumwun a tongeni eaea ei statute of limitation an epwe epeti an esapw meeni meinisin ika ekis ewe niwinimangen aninnis.

Kekke won tenefon

Kekkeri ewe "KIDS" fon mi chok won iteitan won 800-442-5437 omw kopwe angei pworaus fan itan omw ei keis. Kose mochen eaea ei fon (system) inetuchok ese nifinifin fansoun. Ika pwe mei wor och mettoch ewe "KIDS" system ese tongeni atawei, kekkeri ewe ofesin DCS a kan angang won omw we keis. Chechemeni, kekken won fon epwene pwan onussano fansoun ach angang won omw ei keis. Akukunano fite ekkewe kekke won fon a tongeni mwut ngeni DCS an epwe anisiechuk.

Ika pwe kopwe kekkeri DCS, nounou ewe nampan tenefon a tettenitiw fan. Kose mochen nounou ekkei nampan tenefon ese kame ren chok kewe kekkeen long distance. Aninnisin TTY/TDD a wor ren ekkewe mi wor ar osukosuken pworaus me rongorong.

Seattle:	(206) 341-7000 ika (800) 526-8658	Vancouver:	(360) 696-6100 ika (800) 345-9984
Tacoma:	(253) 597-3700 ika (800) 345-9976	Wenatchee:	(509) 886-6800 ika (800) 535-1113
Everett:	(425) 438-4800 ika (800) 729-7580	Yakima:	(509) 249-6000 ika (800) 441-0859
Spokane:	(509) 363-5000 ika (800) 345-9982	Olympia:	(360) 664-6900 ika (800) 345-9964
Kennewick:	(509) 374-2000 ika (800) 345-9981		

Ren worausan ekkewe mwoni a kameetiwe won mwesin, kekkeri 800-468-7422 ika no katon an DCS we web site won www.dshs.wa.gov/dcs. Ka tongeni makkenong itomw omw kopwe katon pworausankewe kameetiwen mwoni fan itan omw ei keis on-line won <https://secure.dshs.wa.gov/dconline>.

Esor emon repwe oput ika chipwang anisi pokiten ren met sokun aramas ii a feito seni, anuwan inisin, meni fonu a feito seni, an nukunuk, an namanam, ika ii emon met mwan ika fefin, ierin, ika mi wor terin, resapw opwut emon non pekin angang, ika aninis, ika ew me nein ekei wewe non mwokutukutun ika angangen ei program. Ei taropwe mi wor non pwan ew sokun napanap faniten met mi fen katonong.